

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia Irargarkiak

BIDE AZPIEGITUREN ETA MUGIKORTASUNAREN SAILA

“Kontrastan hondakin uren araztegia eraikitze proiektua” -k eragindako ondasun eta eskubideak behin betiko onartzea eta aipatutako proiektuak ukitutako ondasun eta eskubideen titularrei dei egitea okupazioaren aurreko eta/edo behin betiko okupazioko eta, hala badagokio, balio justua ezartzeko aktak egiteko.

Foru Gobernu Kontseiluak, 2021eko maiatzaren 18an egindako bilkuran, 285/2021 Erabakia onartu du. Hona hemen horren testua:

“Erantzuna ematea Kontrastan hondakin uren araztegia eraikitze proiektua jendaurrean egon bitartean aurkeztutako alegazioei. Proiektuak eragindako ondasun eta eskubideen behin betiko zerrenda onestea. Okupatzeko beharra adieraztea. Presazko okupazioa adieraztea. Kreditu atxikipena.

Foru Gobernu Kontseiluaren urriaren 6ko 451/2020 Erabakiaren bidez, hasierako onespina eman zitzaion Kontrastan hondakin uren araztegia eraikitze proiektuari, bai eta proiektuak eragindako ondasunen eta eskubideen zerrendari ere, eta zerrenda hori jendaurrean jartzeko agindu zen.

Zerrenda hori jendaurrean egon den aldi alegazio idazki bat aurkeztu da espedientean 1/000 zenbakiarekin identifikaturiko finkari lotuta; Ingurumen Kalitatearen Zerbitzuak idazki horren gaineko txostena egin eta Ingurumen eta Hirigintza Zuzendaritzak idazkia onetsi du, eta bere egiten du Gobernu Kontseilu honek. Hura da erabaki honen oinarria eta arrazoiketa, eta alegazio egileari igorriko zaio, aurkeztutako alegazioak baietsi edo ezetsi izana arrazoitzeko.

Foru Gobernu Kontseiluaren martxoaren 30eko 189/2021 Erabakiaren bidez, behin betiko onetsi zen Kontrastan hondakin uren araztegia eraikitze proiektua.

Alegazioei erantzunda, eta aipatutako proiektua behin betiko onetsita, bidezko da onestea proiektuak eragindako ondasun eta eskubideen behin betiko zerrenda, zeina osatu baita kon-tuan hartuta jendaurrean egon den bitartean aurkeztutako alegazioei emandako erantzuna eta izapide horretan egindako egiaztapenak, eta horiek okupatu eta eskuratu beharra adierazten da, desjabetu eta aldi batean okupatzeko, eta zortasunak ezarri, aldatu edo amaitzeko.

Desjabetze espedientearen izapidetzeari dagokionez, foru aldundi honek uste du espedientea Nahitaezko Desjabetzearen Legearen 52. artikuluan ezarritako prozeduraren bidez izapidetu behar dela eta, ondorioz, presazko okupazioa adierazi behar da. Horiek horrela, Ingurumen eta Hirigintza Zuzendaritzak jakinarazi du Kontrastako herriguneko gaur egungo arazketa sistema herrigunearen bi isurialdeetan dauden bi hobi septikoren bitartez egiten dela. Iparraldeko eta hegoaldeko adarrek herriaren iparreko eta hegoko aldeetan sortzen diren hondakin urak jasotzen dituzte, eta hobi septiko horietara eramaten dituzte, han dekantatu eta gero ibilgu publikora isurtzeko. Bi ibilgutara isurtzen dira: Larrondoa ibaira eta Ullara-Biarra erre-kara (aurrekora isurtzen ditu urak). Gaur egungo egoerarako ez dira batera eraginkorrak bi hobi septikoak, argi eta garbi, erabat beteta daudelako; ez dute ia arazteko ahalmenik eta, ondorioz, ur beltzak ibilguetara isurtzen dira aurrez behar bezala tratatu gabe. Gainera, hegoaldeko hobi septikoaren efluenta aldizkako ibilgu batera isurtzen da, zeinak ahalmen txikia baitauka autoarazketarako eta efluenta asimilatzeke, eta zailtasunak ingurumen helburuak betetzeko. Bi kasuetan, azaletik eta zuzenean isurtzen da efluenta ibilgura eta, gaur egun, Kontrastako herriak ez dauka isurketak baimentzeko ebazpenik, baizik eta aldi baterako baimena, arazketa sistema egokia izan

arte. Beraz, une honetan planteatu duena da ponpaketa bat egitea, hegoaldeko hobi septikoko isuriak eta iparraldekoak bateratu eta araztegi berri batean batera tratatzeko, hartara Larrondoa errekarara efluente egokia isuri ahal izateko. Horrela, arazketa sistema eraginkorragoa izango da eta Larrondoa errekarako uren kalitatea hobetuko da, eta, gainera, ingurumenerako abantaila bat ere ekarriko du, hots, kentzea Ullara-Biarra errekarako isurtze gunea, zeinak oso emari gutxi izaten baitu agorraldietan. Ondorioz, hodi septikoak direla-eta gaur egun dagoen ingurumen arazoa eta osasun publikoko arriskua konponduko dira.

Premiazko jotzeko izapide horretarako, Foru Gobernu Kontseilu honek foru erabakia hartu behar du, bat etorritz Lurzoruari eta Hirigintzari buruzko ekainaren 30eko 2/2006 Legea garatzeko premiazko neurriei buruzko ekainaren 3ko 105/2008 Dekretuak 46 1.b) artikuluan xedatutakoarekin eta Arabako Lurralde Historikoko sektore publikoaren gardentasun, herritarren parte hartze eta gobernu onaren otsailaren 8ko 1/2017 Foru Arauak laugarren xedapen gehigarrian xedatutakoarekin.

Arabako Foru Aldundiak eskumena du proiektuaren xede den herrilana proiektatu eta gauzatzeko, honako hauek xedatutakoari jarraituz: Toki Araubidearen Oinarriak arautzen dituen apirilaren 2ko 7/1985 Legearen 31.2 a) eta 36. artikulua; Toki Araubidearen arloan indarrean diren lege xedapenen testu bategina onesten duen apirilaren 18ko 781/1986 Legegintzako Errege Dekretuaren 30. artikulua, eta Euskal Autonomia Erkidegoko erakundearen eta lurralde historiako foru organoen arteko harremanen azaroaren 25eko 27/1983 Legearen 7 a.10 artikulua.

Eskumen hori egikaritzeko, Foru Aldundiak desjabetu beharreko ondasun eta eskubideak desjabetu ahal izango ditu, halaxe xedatzen baitu Nahitaezko Desjabetzearen Legeak 2.1 artikuluan. Era berean, adierazi behar da erakunde honen barne eremuan Foru Gobernu Kontseilu hau dela organo eskuduna desjabetzeak eragindako ondasunen eta eskubideen behin betiko zerrenda eta haiek okupatu beharra onesteko, Arabako Foru Aldundiaren antolaketa, funtzionamendu eta lege araubidearen abenduaren 18ko 52/1992 Foru Arauak 8.26) artikuluan eta Arabako Lurralde Historikoko sektore publikoaren gardentasun, herritarren parte hartze eta gobernu onaren otsailaren 8ko 1/2017 Foru Arauak laugarren xedapen gehigarrian ezarritakoaren arabera.

Finantza eta Aurrekontu Zuzendaritzak emandako txostena aztertu da, non behar den aurrekontu kreditua badagoela jaso baita.

Horregatik, Bide Azpiegituren eta Mugikortasunaren Saileko eta Ingurumen eta Hirigintza Saileko foru diputatuen proposamenez, eta Foru Gobernu Kontseiluak gaur bertan egindako bilkuran gaia aztertu ondoren, honako hau

ERABAKITZEN DUT

Lehenengoa.- Erantzutea Kontrastan hondakin uren araztegia eraikitzeke proiektuak eragindako ondasun eta eskubideen behin-behineko zerrenda jendaurrean egon den bitartean aurkeztutako alegazioei, baietsi edo ezetsita, Ingurumen Kalitatearen Zerbitzuak txostenean jasotakoaren arabera.

Bigarrena.- Onestea proiektu horrek eragindako ondasun eta eskubideen behin betiko zerrenda, zeina erabaki honen eranskinean jaso baita.

Hirugarrena.- Ondasun eta eskubide horiek okupatu eta eskuratzeko beharra adieraztea, desjabetu, aldi batez okupatu eta zortasunak ezarri, aldatu edo azkentzeko.

Laugarrena.- Presazkotzat jotzea erantsitako zerrendan agertzen diren ondasunen eta eskubideen okupazioa eta, hori dela eta, desjabetze espediente Nahitaezko Desjabetzearen Legeak 52. artikuluan xedatzen duen presazko prozeduraren bidez izapidetzea.

Bosgarrena.- 15.739,96 euro esleitzea, Arabako Foru Aldundiaren 2021erako aurrekontuaren 50106.5300.6000001 "Desjabetze hidraulikoak" partidaren kontura (zorpekin erreferentzia: 105-1470/000.21.1.21), eragindako ondasunen eta eskubideen balio justua dela-eta ordaindu beharreko kopuruei aurre egiteko.

Seigarrena.- Finantza eta Aurrekontu Zuzendaritzak I. eranskinean jasotzen diren finkei dagokien balio justua ordain dezala aipatutako lerroaren eta zorpekin erreferentziaren kontura. Zenbateko hori ordainduko da Desjabetze Atalaren buruaren proposamen txostena aurkeztu eta gero, eta Nahitaezko Desjabetzearen Legeak ezarritako epeen barruan.

Zazpigarrena.- Bide Azpiegituren eta Mugikortasunaren Saileko foru diputatuari ahalmena ematea, proiektu hau gauzatzeko beharrezkoak diren azalera handitzeak eta aldaketak egin ahal izan ditzan, kontuan izanda zein muga ezartzen duen Arabako Lurralde Historikoaren 2021erako Aurrekontua Betearazteko urtarilaren 26ko 1/2021 Foru Arauaren 16. artikulua.

Administrazio bideari amaiera ematen dion erabaki honen aurka administrazioarekiko auzi errekurtsua jar daiteke zuzenean Euskal Autonomia Erkidegoko Auzitegi Nagusiko administrazioarekiko auzien salan, bi hilabeteko epean, erabakia jakinarazi eta hurrengo egunetik aurrera. Bestela, nahi izanez gero, lehenago, berraztertze errekurtsua aurkez dakioke organo honi, hilabeteko epean, egintza jakinarazi eta hurrengo egunetik aurrera."

Horren berri ematen da interesdunak jakinaren gainean jartzeko eta dagozkion ondorioak izan ditzan, eta jakinarazten da egintza honek administrazio bideari amaiera ematen diola, eta haren aurka administrazioarekiko auzi errekurtsua jarri ahal izango dela Euskal Autonomia Erkidegoko Auzitegi Nagusiko administrazioarekiko auzien salan, argitaratu edo, hala badagokio, jakinarazi eta hurrengo egunetik kontatzen hasita bi hilabeteko epean.

Hala ere, nahi izanez gero, lehenago berraztertze errekurtsua aurkeztu ahal izango zaio egintza hau agindu duen erakunde berari. Horretarako, hilabete izango da aurkatutako egintza argitaratu edo, hala badagokio, jakinarazi eta hurrengo egunetik aurrera. Hala eginez gero, ezingo da aurkeztu administrazioarekiko auzi errekurtsorik, harik eta aurkeztutako berraztertze errekurtsuaz ebazpen espresa eman edo ustezko ezespina gertatu arte (Urriaren 1eko 39/2015 Legearen, administrazio publikoen administrazio prozedura erkidearenaren, 123. eta 124. artikulua).

Halaber, dei egiten zaie honi erantsitako agirian ageri diren titularrei, Haranako Udaletxetako lokaletan ager daitezen, bertan jasotako egunean eta orduan, finkak okupatu ahal izateko, okupazioaren aurreko gordailua eta azkar okupatzeagatiko kalte-ordainaren kopuruak aurretik eskainiz.

Kontzeptu horien zenbatekoa jaso nahi izanez gero, zeina behin betiko prezio justuaren kontura den, ondoko hauek aurkeztu beharko dira: eskubidea egiaztatzen duten tituluak, nortasun agiri nazionala eta ahalorde askietsia, legezko ordezkariak agertzen badira akten ekitaldira.

Ez badira onartu nahi eskainitako zenbatekoak edo ezin bada modu frogagarrian egiaztatu desjabetutako ondasunaren titulartasuna edo zein nortasunekin agertzen den, diru kopuru horiek Arabako Foru Aldundiko gordailu kutxan kontsignatuko dira, Nahitaezko Desjabetzapenari buruzko Legearen Arautegiak 58-1. artikuluan jasotakoarekin bat etorritz.

Vitoria-Gasteiz, 2021eko maiatzaren 21a

Bide Azpiegituren zuzendaria
CARLOS IBARLUCEA MARTÍNEZ

Bide Azpiegituren eta
Mugikortasunaren Saila
Departamento de Infraestructuras
Vías y Movilidad

Arabako Foru Aldundia
Diputación Foral de Álava

KONTRASTAN HONDAKIN UREN ARAZTEGIA ERAIKITZEKO PROIEKTUA
PROYECTO DE CONSTRUCCIÓN DE ESTACIÓN DEPURADORA DE AGUAS RESIDUALES EN KONTRASTA

FINKAREN ZK.	TITULARAREN IZENA	KATASTROKO DATUAK		UDALERRIA	APROBETAMENDUA	ERAGINDAKO AZALERA m ²		ORDUA		
		POLIGONO A	LURZATIA			BEHIN-BETIKOA	ALDI/BATERAKOA		ZORTASUNA	EGUNA
Nº FINCA	NOMBRE DEL TITULAR	DATOS CATASTRALES		TÉRMINO MUNICIPAL	APROVECHAMIENTO	SUPERFICIE AFECTADA m ²		DIA	HORA	
		POLIGONO	PARCELA			DEFINITIVA	TEMPORAL			
8000	GOMEZ MADARIAGA, HDROS. DE IGNACIO GOMEZ MADARIAGA, HDROS. DE RICARDO GOMEZ MADARIAGA, HDROS. DE MONICA GOMEZ MADARIAGA, M.CRUZ	1	1613	HARANA / VALLE DE ARANA	LABORE UREZTATUA / TIERRA DE LABOR REGADIO	0	62	16	22/6/21	10:00
1000	SAGASTI, CHASCO TERESA	1	824	HARANA / VALLE DE ARANA	LEHORREKO LABOREA / TIERRA DE LABOR SECAÑO	2337	526	59	22/6/21	10:45
3000	GARCIA, ORTIZ, J.LUIS	1	827-b	HARANA / VALLE DE ARANA	ERTZEA / ERIAL	392				
4000	MADARIAGA, REDONDO, M. ANTONIA	1	828	HARANA / VALLE DE ARANA	LEHORREKO LABOREA / TIERRA DE LABOR SECAÑO	4	641	189	22/6/21	12:00
2000	ORTIZ DE LAZCANO, SAEZ DE OJER, ISABEL ORTIZ DE LAZCANO, ORTIZ DE LAZCANO, M. JOSE ORTIZ DE LAZCANO, ORTIZ DE LAZCANO, JUAN CARLOS	1	826	HARANA / VALLE DE ARANA	LEHORREKO LABOREA / TIERRA DE LABOR SECAÑO	4	476	139	22/6/21	12:45
9000	ORTIZ DE LAZCANO, SAEZ DE OJER, ISABEL ORTIZ DE LAZCANO, ORTIZ DE LAZCANO, M. JOSE ORTIZ DE LAZCANO, ORTIZ DE LAZCANO, JUAN CARLOS	1	743	HARANA / VALLE DE ARANA	LEHORREKO LABOREA / TIERRA DE LABOR SECAÑO	4	344	101	23/6/21	10:00
7000	MURGUIALDAY, MARTINEZ DE ARESPE, PILAR	1	1611	HARANA / VALLE DE ARANA	LABORE UREZTATUA / TIERRA DE LABOR SECAÑO	4	359	106	23/6/21	10:00
6000	MARTINEZ DE IARDUYA, SAENZ DE OJER, J. LUIS	1	1933	HARANA / VALLE DE ARANA	LABORE UREZTATUA / TIERRA DE LABOR REGADIO	0	389	97	23/6/21	11:00
5000	LAZARO, SARASUA, IGNACIO	1	1612	HARANA / VALLE DE ARANA	LABORE UREZTATUA / TIERRA DE LABOR REGADIO	0	58	7	23/6/21	12:15
		1	1612	HARANA / VALLE DE ARANA	LABORE UREZTATUA / TIERRA DE LABOR REGADIO	4	161	57	23/6/21	13:00

Esp./Expte. 2020/5